

(5) Do izrade pečata Ureda, koristi se pečat Ureda premijera Kantona. 3.

Član 14.

(Preuzimanje zaposlenika)

- (1) U roku od 30 dana od dana donošenja Pravilnika o unutrašnjoj organizaciji Ured sporazumno preuzima i raspoređuje zatečene državne službenike i namještenike Službe za zajedničke poslove Zeničko-dobojskog kantona koji obavljaju poslove javnih nabavki.
- (2) Ured može sporazumno preuzeti državne službenike i namještenike i iz drugih organa, uprava, upravnih organizacija i službi koji rade na poslovima javnih nabavki.
- (3) Preuzimanje državnih službenika i namještenika iz ovog člana vrši se u skladu sa zakonom kojim se uređuje državna služba u Federaciji Bosne i Hercegovine.

Član 15.

(Okončanje postupka)

Postupci javne nabavke pokrenuti prije stupanja na snagu ove Uredbe završit će se prema odredbama propisa koji su bili na snazi u vrijeme pokretanja postupka javne nabavke.

Član 16.

(Stavljanje van snage)

Stupanjem na snagu odluke iz člana 8. stav (1) ove Uredbe, prestaje da važi Odluka o provođenju postupaka javnih nabavki za potrebe Zeničko-dobojskog kantona („Službene novine Zeničko-dobojskog kantona“, broj: 7/15, 10/15 i 15/18).

Član 17.

(Stupanje na snagu)

Ova Uredba stupa na snagu osmog dana od dana objavljivanja u „Službenim novinama Zeničko-dobojskog kantona“.

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 13. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

U R E D B U

O MEDICINSKOJ REHABILITACIJI BRANILACA I ČLANOVA NJIHOVIH PORODICA U BANJSKO-KLIMATSKIM LJEČILIŠTIMA

DIO PRVI - OPĆE ODREDBE

Član 1.

(Predmet Uredbe)

- (1) Ovom Uredbom utvrđuju se uslovi, način i postupak ostvarivanja prava na banjsko i klimatsko liječenje branilaca i članova njihovih porodica, koji imaju prebivalište na području Zeničko-dobojskog kantona (u daljnjem tekstu: Kanton) kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona ili koji su na evidenciji nadležnog organa za vojne evidencije u gradovima/općinama Kantona.
- (2) Medicinska rehabilitacija iz stava (1) ovog člana sprovodi se u specijalizovanim zdravstvenim ustanovama za banjsko-klimatsko liječenje (u daljnjem tekstu: lječilište) sa kojima Ministarstvo za boračka pitanja Zeničko-dobojskog kantona (u daljnjem tekstu: Ministarstvo) ima zaključene ugovore o banjsko-klimatskom liječenju i rehabilitaciji.

Član 2.

(Korisnici prava)

- (1) Korisnici prava po ovoj uredbi su:
 - a) ratni vojni invalid;
 - b) dobitnik ratnog priznanja i odlikovanja;
 - c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu;

Broj: 02-02-20724/24
Datum, 13.12.2024. godine
Zenica

P R E M I J E R

Nezir Pivić, s.r.

.....

- d) član porodice šehida, poginulih, umrlih i nestalih branilaca-korisnik porodične invalidnine;
 - e) član uže porodice umrlog dobitnika ratnog priznanja i odlikovanja -korisnik mjesečnog novčanog dodatka;
 - f) član uže porodice umrlog ratnog vojnog invalida - korisnik porodične invalidnine i
 - g) član uže porodice umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu-supružnik i dijete dok je na redovnom školovanju.
- (2) Ratni vojni invalid sa stepenom invalidnosti 70% i više, pod uslovom da nalaz specijaliste fizijatra i interniste upućuje na medicinsku rehabilitaciju, može ostvariti pravo svake godine.
- (3) Svi ostali korisnici pravo na medicinsku rehabilitaciju po ovoj Uredbi, mogu ostvariti pod uslovom da im je prema medicinskim indikacijama takvo liječenje potrebno i da su u posljednjih godinu dana u kontinuitetu liječeni od bolesti zbog koje se upućuju u lječilište (medikamentozno, operativno, fizikalno-ambulantno ili stacionarno), svake druge godine, osim ukoliko se pojavila nova okolnost čiju opravdanost će cijeliti komisija iz člana 13. ove Uredbe.
- (4) Medicinska indikacija iz stava (3) ovog člana postoji u slučajevima dijagnosticiranja bolesti navedene kao indikacije na Listi indikacija i kontraindikacija za liječenje u prirodnim lječilištima.
- (5) Sa braniocima, u smislu ove Uredbe, izjednačeni su u pravima učesnici narodnooslobodilačkog-antifašističkog rata 1941.-1945.godine, čiji je status utvrđen rješenjem nadležnog organa.

Član 3.

(Posebni korisnici prava)

Izuzetno posebni korisnik prava na medicinsku rehabilitaciju može biti dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja, kojem je prestalo pravo na mjesečni novčani

dodatak, ukoliko postoji medicinska nužnost (operativni zahvat, teška degenerativna oboljenja i slično) koju će cijeliti komisija iz člana 13. ove Uredbe, svake druge godine.

Član 4.

(Uslov u vezi prebivališta)

Pravo na medicinsku rehabilitaciju lica iz člana 2. i 3. ove Uredbe mogu ostvariti pod uslovom da imaju prebivalište na području Kantona u trajanju od najmanje dvije godine neprekidno do dana podnošenja zahtjeva, osim povratnika u entitet Republiku Srpsku.

Član 5.

(Posebni slučajevi korištenja prava)

U lječilište izuzetno mogu biti upućeni i članovi invalidskog sportskog kluba i reprezentacije u invalidskom sportu, kao i pojedinci ratni vojni invalidi - sportiste, u okviru priprema za takmičenja.

Član 6.

(Pratilac)

- (1) Korisniku prava se, u slučaju potrebe, može odobriti pratilac u vrijeme odlaska u lječilište i povratka iz lječilišta.
- (2) Korisnik dodatka za njegu i pomoć drugog lica, kao i drugi korisnik prava čija je ukupna nesposobnost jednaka nesposobnosti korisnika dodatka za njegu i pomoć drugog lica, za period boravka u lječilištu može ostvariti pravo na pratioca, kojem se osigurava smještaj i ishrana, a čiju opravdanost cijeni komisija iz člana 13. ove Uredbe u svakom pojedinačnom slučaju.

Član 7.

(Dokazivanje statusa)

U postupku ostvarivanja prava, branioci i članovi njihovih porodica svoj status dokazuju rješenjem nadležne gradske/općinske službe o priznavanju svojstva dobitnika ratnog priznanja i odlikovanja i ratnog vojnog invalida, odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja i odlikovanja, ili uvjerenjem nadležnog organa izdatog u skladu sa Zakonom o upravnom postupku ("Službene novine FBiH" broj 2/98, 48/99 i 61/22), a demobilizirani branilac uvjerenjem VFMB-3a izdatog od strane nadležne Grupe za pitanja evidencija iz oblasti vojne obaveze.

DIO DRUGI - MEDICINSKA REHABILITACIJA**POGLAVLJE I. TRAJANJE MEDICINSKE REHABILITACIJE****Član 8.
(Periodi)**

- (1) Medicinska rehabilitacija u lječilištu traje deset dana.
- (2) Izuzetno, kada je to medicinski opravdano i na pismeni prijedlog ljekara specijaliste u lječilištu, medicinska rehabilitacija se može produžiti do 21 dan.
- (3) Prijedlog za produženje dostavlja se najkasnije pet dana prije isteka odobrenog roka medicinske rehabilitacije.

**Član 9.
(RVI-sportisti)**

Članovima invalidskih sportskih klubova i reprezentacija u invalidskom sportu kao i pojedincima ratnim vojnim invalidima sportistima boravak u lječilištu može se odobriti za period od sedam do deset dana, jednom godišnje, pred početak takmičarske sezone i evropskog/svjetskog prvenstva.

POGLAVLJE II. POSTUPAK UPUĆIVANJA U LJEČILIŠTE**Član 10.
(Prijedlog ljekara)**

- (1) Na zahtjev korisnika prava, ljekar specijalista odnosno zdravstvena ustanova u kojoj isti ostvaruje primarnu zdravstvenu zaštitu, izdaje prijedlog za upućivanje na medicinsku rehabilitaciju (u daljnjem tekstu: prijedlog ljekara).
- (2) Prijedlog ljekara se izdaje nakon izvršenog neposrednog uvida u zdravstveni karton korisnika prava, radi upoznavanja sa podacima o ranijem liječenju, a isti mora biti obrazložen i sadržavati podatke o medikamentoznom, operativnom, fizikalno-ambulantnom ili stacionarnom liječenju, najmanje u posljednjoj godini dana.
- (3) Pored medicinske dokumentacije iz koje se može utvrditi dijagnoza bolesti i način liječenja korisnika prava (otpusnica iz ustanove gdje je stacionarno obavljeno liječenje, nalaz ljekara specijaliste - hirurga, ortopeda, traumatologa, neurohirurga, neuropsihijatra i

sl.), obavezna je kontrola i pregled kod nadležnih specijalista fizijatra i interniste, čiji nalazi ne smiju biti stariji od 30 dana do dana podnošenja zahtjeva.

- (4) Nalaz specijaliste fizijatra mora ukazivati na neophodnost medicinske rehabilitacije, a u nalazu interniste mora biti naznačeno da li ima medicinskih smetnji za boravak u banjско-klimatskom lječilištu.
- (5) U okviru medicinske dokumentacije nisu neophodni laboratorijski nalazi, EKG i radiološke snimke.

**Član 11.
(Podnošenje zahtjeva)**

- (1) Pravo na medicinsku rehabilitaciju ostvaruje se podnošenjem zahtjeva gradskoj/općinskoj službi nadležnoj za poslove branilačko-invalidske zaštite u gradu/općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: gradska/općinska služba).
- (2) Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona u roku od sedam dana od dana stupanja na snagu ove Uredbe.
- (3) Uz zahtjev za medicinsku rehabilitaciju podnosilac zahtjeva u originalu ili ovjerenoj kopiji prilaže sljedeću dokumentaciju:
 - a) dokaz o statusu branioca i člana porodice;
 - b) uvjerenje o kretanju kao dokaz o prebivalištu;
 - c) prijedlog specijaliste fizijatra;
 - d) nalaz interniste i
 - e) drugu odgovarajuću dokumentaciju iz koje se može utvrditi opravdanost zahtjeva i kontinuitet u liječenju u posljednjih godinu dana.

**Član 12.
(Prijedlog gradske/općinske službe)**

U roku od pet dana po prijemu zahtjeva, gradska/općinska služba utvrđuje prijedlog za upućivanje na medicinsku rehabilitaciju (u daljnjem tekstu: prijedlog gradske/općinske službe), koji uz kompletnu dokumentaciju korisnika prava dostavlja Ministarstvu, na jedinstvenom obrascu.

Član 13.**(Komisija)**

- (1) Nakon stručne obrade prijedloga gradske/općinske službe od strane službenika Ministarstva nadležnog za poslove rehabilitacije (u daljnjem tekstu: službenik Ministarstva), isti se sa kompletnom dokumentacijom proslijeđuje Komisiji za odobravanje upućivanja branilaca i članova njihovih porodica u lječilišta (u daljnjem tekstu: Komisija), koju svojim rješenjem imenuje ministar Ministarstva.
- (2) Komisiju čine tri ljekara specijalista, od kojih su dva fizijatra i jedan specijalista interne medicine, te službenik Ministarstva, koji je ujedno i sekretar Komisije.
- (3) Posebnim rješenjem ministra Ministarstva utvrđuje se naknada za rad članova Komisije, izuzev za sekretara Komisije.
- (4) Sjednice Komisije, u dogovoru sa ostalim članovima, zakazuje službenik Ministarstva.
- (5) Sjednice se održavaju po potrebi a najkasnije pet dana prije termina upućivanja na medicinsku rehabilitaciju.
- (6) O radu Komisije vodi se zapisnik.

Član 14.**(Rad Komisije)**

- (1) Komisija vrši vještačenje po svakom zahtjevu pojedinačno.
- (2) U slučaju potrebe, Komisija poziva podnosioca zahtjeva na pregled, a u slučaju sumnje na kontraindikativna oboljenja može zatražiti i druga medicinska ispitivanja.
- (3) U zapisniku Komisije se navodi broj i datum održavanja sjednice, da li je potrebna medicinska rehabilitacija, u kojem lječilištu, te daje prijedlog za upućivanje na medicinsku rehabilitaciju.
- (4) U zapisniku Komisije se navodi razlog za slučaj nemogućnosti odobravanja medicinske rehabilitacije kao što su: nezavršeno internističko ili fizijatrijsko liječenje, kontraindikativna oboljenja, nepostojanje kontinuiteta u liječenju najmanje godinu dana i drugi razlozi koje obrazlaže komisija.

- (5) Komisija može dati prijedlog daljnjeg postupka u liječenju: kontrola i fizikalni tretman ambulantno kod nadležnog fizijatra ili stacionarno na Odjeljenju za fizikalnu medicinu i rehabilitaciju Kantonalne bolnice u Zenici. kontrola i pregled kod određenog specijaliste, itd.

Član 15.**(Ponovni zahtjev)**

- (1) Podnosilac zahtjeva kojem nije odobrena medicinska rehabilitacija, može podnijeti novi zahtjev nakon isteka roka od devet mjeseci od odbijanja zahtjeva, nakon realizovanja prijedloga Komisije o daljnjem liječenju i uz prijedlog nadležnog ljekara specijaliste.
- (2) U slučaju neodobravanja medicinske rehabilitacije zbog kontraindikacija, ponovni zahtjev se može podnijeti poslije otklanjanja, odnosno izlječenja oboljenja koja su kontraindikativna i nakon isteka roka od jedne godine od odbijanja zahtjeva.

Član 16.**(Odluka o upućivanju i izdavanje rješenja)**

- (1) Na prijedlog Komisije i u skladu sa uslovima utvrđenim ovom Uredbom, ministar Ministarstva donosi odluku o upućivanju korisnika prava na medicinsku rehabilitaciju u određena lječilišta.
- (2) Ministarstvo dostavlja odluku gradskim/općinskim službama o stavu po zaprimljenim prijedlozima, uz povrat kompletne dokumentacije.
- (3) Na osnovu zaprimljene odluke iz stava (1) ovog člana, gradska/općinska služba donosi rješenje u skladu sa članom 211. Zakona o upravnom postupku.
- (4) Rješenje o odbacivanju ili odbijanju zahtjeva, u skladu sa zaključkom Komisije u tom smislu, gradska/općinska služba donosi u skraćenom postupku na osnovu člana 139. stav (1) i (2) Zakona o upravnom postupku.
- (5) O žalbi na rješenje gradske/općinske službe rješava Ministarstvo.

POGLAVLJE III. BROJ I STRUKTURA KORISNIKA**Član 17.
(Broj korisnika)**

Broj korisnika prava na medicinsku rehabilitaciju koji se mjesečno upućuju u lječilišta zavisi od visine mjesečnog iznosa opredijeljenih budžetskih sredstava u tu svrhu.

**Član 18.
(Prednost)**

Prednost pri upućivanju na medicinsku rehabilitaciju, po pravilu, imaju:

- a) ratni vojni invalid sa stepenom invalidnosti 70% i više;
- b) ratni vojni invalid i dobitnik ratnog priznanja i odlikovanja;
- c) demobilizirani branioci;
- d) član porodice šehida, poginulih, umrlih i nestalih branilaca;
- e) član uže porodice umrlog dobitnika ratnog priznanja i odlikovanja;
- f) član uže porodice umrlog ratnog vojnog invalida i
- g) član uže porodice umrlog demobiliziranog branioca.

POGLAVLJE IV. - ODLAZAK U LJEČILIŠTE**Član 19.****(Upućivanje na medicinsku rehabilitaciju)**

- (1) Ministarstvo dostavlja liječilištu odluku o upućivanju lica na medicinsku rehabilitaciju i dogovara početak liječenja, o čemu obavještava gradske/općinske službe.
- (2) Gradske/općinske službe blagovremeno izdaju uputnicu korisnicima prava kojima je odobrena medicinska rehabilitacija, sa naznakom liječilišta i termina boravka.
- (3) Korisnik prava kojem je odobrena medicinska rehabilitacija istu može koristiti samo na osnovu izdate uputnice i u terminu utvrđenom uputnicom.

Član 20.**(Spriječenost za odlazak)**

- (1) U slučaju opravdane spriječenosti korisnika prava za početak korištenja medicinske rehabilitacije u određenom terminu (smrtni slučaj u porodici, bolest i sl.), isti je dužan o tome odmah obavijestiti gradsku/općinsku službu.

- (2) U slučaju iz stava (1) ovog člana početak korištenja medicinske rehabilitacije može se odgoditi najkasnije za period od 30 dana. u suprotnom je obavezno provođenje ponovne procedure u skladu sa ovom Uredbom.

Član 21.**(Postupak pri dolasku)**

- (1) Korisnik prava prilikom dolaska u liječilište, dužan je predočiti ličnu kartu i uputnicu gradske/općinske službe, nakon čega se podvrgava ljekarskom pregledu.
- (2) Ukoliko prilikom ljekarskog pregleda bude utvrđeno da korisnik prava boluje od bolesti zbog koje je medicinska rehabilitacija u tom liječilištu kontraindicirana, ista neće biti započeta, o čemu korisniku prava liječilište izdaje potvrdu.
- (3) U slučaju iz stava (2) ovog člana liječilište će predmet sa ljekarskim nalazom i mišljenjem vratiti Ministarstvu radi ponovnog razmatranja zdravstvenog stanja korisnika prava od strane nadležne ljekarske komisije.

Član 22.**(Boravak u liječilištu)**

- (1) Lječilište je obavezno upoznati korisnika prava sa svim vidovima zdravstvene zaštite, sportske rekreacije kao metoda liječenja i ostalim uslugama predviđenim ugovorom koje je sa liječilištem zaključilo Ministarstvo.
- (2) Korisnik prava na medicinsku rehabilitaciju dužan je pridržavati se pravila liječilišta u pogledu reda i discipline kao i savjeta i uputstava ljekara liječilišta.
- (3) Po završetku rehabilitacije obavlja se ljekarski pregled korisnika prava, nakon čega se podaci o primijenjenom tretmanu, terminu, rezultatima i uspjehu liječenja unose u određene rubrike bolesničkog lista.
- (4) Uz račun za obavljene usluge liječilište dostavlja Ministarstvu kopije izdatih otpusnica korisnika prava koji su okončali medicinsku rehabilitaciju.

DIO TREĆI - ZAVRŠNE ODREDBE**Član 23.****(Sredstva za ostvarivanje prava)**

- (1) Sredstva za troškove medicinske rehabilitacije osiguravaju se u Budžetu Kantona, u skladu sa prilikovima sredstava, a istim su obučeni smještaj u dvokrevetnim i trokrevetnim sobama, ishrana i zdravstvene usluge.

(2) Troškove prijevoza u cilju odlaska i povratka iz lječilišta snose korisnici prava. 4.

Član 24.

(Ugovori sa lječilištima)

Ugovorom između Ministarstva i lječilišta regulišu se pitanja broja korisnika prava po smjeni (grupi), dužine trajanja smjena, cijene jednog bolesničkog dana, načina i uvjeta plaćanja i druga pitanja kojim se uređuju međusobni odnosi.

Član 25.

(Vođenje evidencije)

Elektronsku evidenciju o podnesenim zahtjevima i korisnicima prava po ovoj Uredbi vode gradske/općinske službe i Ministarstvo, po obrascima koje propisuje ministar Ministarstva, u roku od sedam dana od dana stupanja Uredbe na snagu.

Član 26.

(Ravnopravnost spolova)

Sve imenice koje se odnose na branioce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 27.

(Stavljanje Uredbe van snage)

Danom početka primjene ove Uredbe prestaje važiti Uredba o medicinskoj rehabilitaciji branilaca i članova njihovih porodica u banjsko-klimatskim lječilištima ("Službene novine Zeničko-dobojskog kantona" broj 4/14 i 15/21).

Član 28.

(Stupanje na snagu i objavljivanje Uredbe)

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se od 01.01.2025. godine.

Broj: 02-02-21443/24
Datum, 27.12.2024. godine
Zenica

P R E M I J E R
Nezir Pivić, s.r.
.....

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 21. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

U R E D B U

O VANREDNOJ NOVČANOJ POMOĆI BRANIOCIMA I ČLANOVIMA NJIHOVIH PORODICA

DIO PRVI - OPĆE ODREDBE

Član 1.

(Predmet Uredbe)

Ovom Uredbom utvrđuju se uslovi, način i postupak ostvarivanja prava na vanrednu novčanu pomoć za osnovne potrebe branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.

Član 2.

(Korisnici prava)

Novčanu pomoć po ovoj Uredbi mogu ostvariti:

- dobitnik ratnog priznanja i odlikovanja;
- ratni vojni invalid;
- demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u Oružane snage pristupio kao maloljetno lice ili šest mjeseci po punoljetstvu;
- član porodice šehida, poginulih, umrlih i nestalih branilaca-korisnik porodične invalidnine;
- član uže porodice umrlog dobitnika ratnog priznanja i odlikovanja-korisnik mjesečnog novčanog dodatka;